



Inatsisartut
Marianne Paviassen Jensen
Inuit Ataqtigitiit sinnerlugit Inatsisartunut ilaasortaq

§ 37 naapertorlugu apeqqutip nr. 174/2025-p akineqarnera

Asasara Mariane Paviassen Jensen,

Inatsisartut suleriaasianni § 37-mi, imm. 1 naapertorlugu Naalakkersuisunut
apeqquteqarputit. Apeqqutit uannut akisassanngorlugit innersuussutigineqartut
qujassutigaakka. Apeqqutit issuarneqartarput tamatumalu kingorna akineqarlutik.

Ulloq: 21-10-2025
Suliap normua: 2025 - 21026
Suliap nr.: 25824163

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Naalakkersuisut naartunaveersaammik Depo-Proveramik kapuutip inunnut suli atorsinnaaneramik akuerisaanngitsorli Kalaallit arnartaannut atuisimaneq qanoq isumaqarfigaat?

Akissut:

Naalakkersuisut isummernerat ersarippoq: Nakorsaatit akuerineqarsimanngitsut
siunertarinngisaminut atorineqarnerat imaluunniit akuerineqarsimanngitsunut
atorineqarnerat akuerisinnaanngilluinnarparput. Tassani aamma Depo-Provera-p
naartunaveersaatitut atorineqartarnera pineqarpoq.

Nunatsinni piffimmi 1960-1991 Arlaannaannilluunniit attuumassuteqarani
naartunaveersaartitsineramik misissuineri (matuma kingorna "Ilisimatuut
nalunaarusiaat"), taamanikkut nakorsaanerup Depo-Provera atorineqartoq
paasigamiuk suliaq qaqissimagaa allaqqavoq. Ilutigalugulu Depo-Provera nakorsat
peqatigiiffiata nalunaarsugaani (Lægeforeningens medicinfortegnelse) akuerisatut
suli allanneqanngitsaq naartunaveersaatitut atorineqarsimasooq nakorsap
oqaaseqaataani erserpoq. Piffimmi tassani Depo-Provera nunani allarpassuarni
naartunaveersaatitut atorineqartartoq ilisimatusarnermi allaaserisani aamma
uppersarneraqarpoq.

A) "Misilittaasimaneq" Kalaallit arnartaannut atorineqarsimasooq Naalakkersuisunit akuerineqarpa?

Akissut:

Depo-Provera 1971-imi nunat immikkoortuini naartunaveersaatitut atorutut
atorineqarsimasooq, Ilisimatuut nalunaarusiaanni tamanna allaqqavoq, naak
taamanikkut arnat nappaataannik nappaatilinnut atorineqarnissaanut kisimi
akuerineqarsimagaluartoq. Aammattaaq nakorsap allasimasaa "piffissami 1970-imi
ukiamit 1972-imi aggustip tungaanut arnat 162-it Proveramik tunineqarsimasut"
uppersarneraqarpoq.

Naalakkersuisut Depo-Provera pillugu sulianik allanik misileraanertut
taaneqarsinnaasunik ilisimasaqanngillat. Qulaani taaneqartoq Depo-Provera

naartunaveersaatitut atorineqarnera 1979-imi Namminersornerullutik Oqartussat atulersinneqarnerani sioqqullugu pivoq. Paasissutissat pissarsiarineqarsinnaasut naapertorlugit suliaq atorfilittatigoortumik suliarineqarsimavoq politikkikkullu qaqinneqanngilaq.

Ilisimatuut nalunaarusiaanni qupperneq 118-imi Depo-Provera naartunaveersaatitut suli akuerineqanngitsoq Paamiuni nakorsaqaqarnermik immikkoortortaqaqfimmik atorineqartarsimasoq allaqqavoq.

“Misilittaasimaneq akuerineqarsimappat Naalakkersuisut tungaaniit suut tunngavigalugit akuerineqarsimava?

Akissut:

Apeqquut 1A-imut akissut takuuk.

- 2. Naalakkersuisut pinngitsaaliilluni niviarsiaqqanut, arnanullu Danskit naalagaaffiata peqqinnissaqarfiup oqartussaanerata nalaani pisimasut tamaasa naartunaveersaasersuisimaneq pineqartut tamarmik eqqarsaatigalugit Danskit naalagaaffianut qanoq piumasaqarniarpat?**

Akissut:

Spiralilersuineq pillugu pisortatigoortumik utoqqatserortoqarnera ulloq 24. septembari 2025-mi Katuaq Nuummi pisimasoq pillugu, Naalakkersuisut siulittaasuut Jens-Frederik Nielsen *“oqaluttuat piviusut aamma misissuisoqarneranut atatillugu pissutsit attuumassuteqartut”* pillugit akisussaaffimmik tigusoqartariaqartoq ersarissumik oqaatigaa.

Danskit naalakkersuisuisa akisussaaffik tigussagaat aammalu Ilisimatuut nalunaarusiaanni inerniliinerit pillugit iliuutsit aalajangersimasut, piffimmi tassani Danmarkip peqqinnissaqarfimmut akisussaaffigisaanik ersersitsissasut, Naalakkersuisunit ersarissumik naatsorsuutigineqarpoq.

Naalakkersuisut suliaq qanimut malinnaaffigaat, malitseqartitsisoqarnissaalu sulissutigissavaat.

- A) Niviarsiaqqat arnallu naartunaveersaamik Depo-Proveramik kapuummik inunnut suli atorsinnaaneramik akuerineqarsimannginnerata nalaanni kapoorisarsimanermut tunngatillugu arnat qanoq amerlatigisut kingunerluummik aqquasaagaqarnersut ilisimaneqarpa?**

Akissut:

Naamik.

- B) Spiralilersorneqarsimasunut assingusumik arnat pineqarsimaneri eqqunngitsuliorfigineqarsimaneri ilanngullugu nassuerutigineqarpa?**

Akissut:

Spirali pillugu suliap saniatigut kalaallit kalaaliunertik pissutigalugu aqqissuussaasumik assigiinngitsitsinermik peqqutilimmik kapitalinik taartunik allanik peqartoq Danskit naalagaaffiata nassuerutigaa. Ministeriunerup Mette Frederiksenip Danmark sinnerlugu utoqqatserpoq, aammali sumiginnakkat allat

Danmarkip akisussaaffigisai utoqqatserfigai tassani kalaallit aaqqissuussaasumik inunnit allanit allaanerusutut aamma kunngeqarfimmi innuttaasunut allanut sanilliullutik immikkoortinneqartutut pineqartartut utoqqatserfigivai.

**C) Taamaanngippat suut peqqutigalugit isumaqataanngitsaqarpa
niviarsiaqqat arnallu naartutinnaveersaarneqarsimaneri assigiinngitsumik
isumaqarfigineqarsimaneri?**

Akissut:

Apeqqummut 2B-mut akissut takuuk.

Inussiarnersumik inuulluaqqusillunga



Anna Wangenheim

Peqqissutsimut inunnullu Innarluutilinnut Naalakkersuisoq